

Ավարտական հետազոտական աշխատանք

Թեմա՝ «< Սովորողների քննադատական մտածողության զարգացումը
«Մայրենի», «Հայոց լեզու», «Գրականություն» առարկաների դասերին

Կատարող՝ Վարդուհի Սուքիասյան

Դպրոց՝ Հովհ. Թումանյանի անվան համար 32 հիմնական
դպրոց

Առարկա՝ Հայոց լեզու և գրականություն

Կազմակերպություն՝ «Երևանի Լեոյի անվան հ.65 ավագ դպրոց» ՊՈԱԿ

Խմբի պատասխանատու՝ Անահիտ Զոհրաբյան

Երևան 2022

Բովանդակություն

Ներածություն	3
Գլուխ 1	5
1.1 /Քննադատական մտածողության տեխնոլոգիան	5
1.2 /Քննադատական մտածողության բնութագրիչները	6
1.3 / Քննադատական մտածողության ձևավորման փուլերը	7
1.4 /Քննադատական մտածողության մեթոդների կիրառումը մայրենիի, հայոց լեզվի, գրականության դասերին	8
Գլուխ 2	10
Փորձարարական մաս	10
Եզրակացություն	18
Գրականության ցանկ	19
Հավելված	20

Ներածություն

Որպեսզի ուսուցիչը սովորեցնի աշակերտին քննադատաբար մտածել, այդ կարողությանն առաջին հերթին ինքը պիտի տիրապետի: Երջանիկ պատահականությամբ ես ունեցել եմ մանկավարժ ծնողներ, լավագույն ուսուցիչներ, որոնք այնպես են կրթել ու դաստիարակել, որ ես դարձել եմ քննադատաբար մտածող. ազատ ու անկաշկանդ հայտնում եմ իմ սեփական կարծիքը:

Ժամանակակից աշխարհում տեղեկատվության ներհոսքի պայմաններում, երբ համացանցը ողողված է իրարամերժ կարծիքներով, տեղի-անտեղի փոխադարձ մեղադրանքներով, գլխավոր առանցքային հարց է ոչ միայն ինֆորմացիայի տիրապետելը, այլև այն արժևորելը և կյանքում կիրառելը:

Այսօրվա դպրոցի առաքելությունն է քննադատաբար մտածող սերնդի ձևավորումը: Ներկայումս՝ կրտսեր դպրոցական տարիքից սկսած երեխաները տիրապետում են բոլոր տեխնիկական միջոցներին (հեռախոս, համացանց և այլն) և, իհարկե, դրանցում առկա ամբողջ իրարամերժ ինֆորմացիային: Հաճախ առանց խորամուխ լինելու երևույթների պատճառների մեջ, երեխաները կրկնում են ուրիշի տեսակետը: Սա արդեն գերխնդիր է դառնում նրա հետագա կյանքի համար:

Ամեն անգամ ստանձնելով նոր դասարանի <<Հայոց լեզվի>>, << Մայրենիի>> և << Գրականության>> դասավանդման պարտականությունը՝ ձեռնամուխ եմ լինում աշակերտների մտածողության զարգացմանը, այն հաշվով, որ նրանք կարողանան հստակ արտահայտել իրենց սեփական տեսակետը:

Այս ամենը հնարավոր է իրականացնել քննադատական մտածողության հմտությունների զարգացման շնորհիվ:

Հանրակրթական միջին դպրոցում հայոց լեզվի ուսուցման կարևորագույն խնդիրն է նաև երեխային սովորեցնել ընկալել ուրիշի խոսքը, հակիրճ և պարզ արտահայտել սեփական մտքերն ու տեսակետները: Այդ նպատակով անհրաժեշտ է ակտիվացնել ուսումնական գործընթացը, առաջարկել միջոցներ աշակերտների պատճառահետևանքային կապերը վերլուծելու, փաստերն ու երևույթները

զնահատելու կարողությունների ու հմտությունների զարգացման համար՝
ապահովելով աշակերտի աշխարհընկալման ինքնուրույնությունը:

Քննադատաբար մտածող մարդ դաստիարակելուն անմիջապես առնչվում է
ազնվության, որպես բնավորության դրական հատկանիշ, ձևավորումը, քանի որ
միայն ազնիվ մարդն է ձգտում ճշմարտությունն ասել, իրեն և ուրիշներին չխաբել, եթե
անգամ դժվար է և դեմ է իր շահերին: Ազնվությունը ոչ միայն չստելն է, այլև
ձգտումը դեպի ճշմարտությունը, անհանդուրժողականությունը ստի, կեղծիքի
նկատմամբ:

«Մեր գանձերն են առողջությունը, կյանքի պարզությունը, ազատությունը, մարմնի և
հոգու ամրությունը, առաքինության նկատմամբ սերը. . . հարևանների հետ
համերաշխությունը, մտերմությունն ընկերների հետ. . . բարեկեցության մեջ
մեղմաբարոյությունը, դժբախտության մեջ անսասանությունը, միշտ **համարձակորեն
ճշմարտությունն ասելու խիզախությունը**, կեղծարարության հանդեպ ատելությունը և
այլն»: Ֆ. Ֆենելոնի նշած մարդկային բարոյական արժեքների դաստիարակման
համար լայն հնարավորություններ ունեն «Մայրենի», «Հայոց լեզու»,
«Գրականություն» առարկաների դասաժամերը:

Աշխատանքի խնդիրներն են.

ա/ բացահայտել սովորողների տրամաբանական մտածողությունը

բ/ նկարագրել աշակերտին ուսումնական գործընթացի ակտիվ մասնակից
դարձնելու պրոցեսը

գ/ բացահայտել գիտելիքը վերլուծելու, սինթեզելու, համադրելու, զնահատելու և
արժևորելու կարողությունների ձևավորումը

դ/ իրականացնել ստացված գիտելիքների, հմտությունների կիրառումը
կյանքում

ե/ բացահայտել աշակերտների ստեղծագործաբար և քննադատաբար մտածելու
կարողությունները:

Աշխատանքի կառուցվածքը: Աշխատանքը բաղկացած է ներածական մասից, 2
գլխից՝ առաջին գլուխը բաղկացած է 4 ենթագլխից, երկրորդ գլուխը՝ 1 ենթագլխից,
եզրակացությունից:

Գլուխ 1

1.1/Քննադատական մտածողության տեխնոլոգիան

Քննադատական մտածողությունը մտավոր բարդ գործընթաց է, մտածողության այն տեսակն է, երբ մարդը հարցականի տակ է դնում ստացվող ինֆորմացիայի ճշմարտացիությունը, սեփական հայացքներն ու համոզմունքները: Քննադատական մտածողության համար անհրաժեշտ են գնահատելու, մեկնաբանություն, վերլուծություն, եզրակացություն անելու կարողություններ և հմտություններ, ինչպես նաև դիտողականություն: Քննադատական մտածողությունը չպետք է նույնացնել քննադատության հետ, որի արդյունքում քննադատական մտածողությունը կարող ենք դիտել որպես բացասական երևույթ: Քննադատական մտածողության դրսևորումներ են պատճառահետևանքային կապերի վերլուծության, փաստերն ու երևույթները գնահատելու կարողությունները:

Քննադատական մտածողությունը նոր մանկավարժական մոտեցում է: Հին ժամանակներում ուսուցիչը մատուցում էր պատրաստի գիտելիք, իսկ այժմ նա հաղորդողից վերածվել է սովորողի, ուսումնական աշխատանքը կազմակերպողի: Քննադատական մտածողության շնորհիվ աշակերտը ձևավորվում է որպես հասարակության գործող անդամ, ով ունի հաղորդակցվելու, համագործակցելու, ուրիշի կարծիքը լսելու և գնահատելու, ինքնուրույն դիրքորոշում մշակելու, իր որոշումների համար պատասխանատվություն կրելու կարողություններ:

Այսպիսով, եկանք այն եզրահանգման, որ քննադատական մտածողության արմատները գցվել են դեռ վաղ անցյալում, այն զարգացում է ապրել և ստացել իր այսօրվա կերպարանքը: Քննադատական մտածողությունը բարդ գործընթաց է, որը պահանջում է մի շարք կարողություններ, հմտություններ, և որի շնորհիվ մարդը ձեռք է բերում ինքնուրույնություն, զարգանում է տրամաբանությունը, ձևավորվում է անհատի տարբերվող աշխարհայացքը:

1.2 /Քննադատական մտածողության բնութագրիչները

1. Քննադատական մտածողությունը ինքնուրույն մտածողություն է: Մանշանակում է, որ այն հնարավորություն է տալիս յուրաքանչյուր սովորողի ձևավորել իր սեփական գաղափարները: Դասարանում պիտի ստեղծել ազատ մթնոլորտ, որպեսզի երեխաները կարողանան մտածել ու ինքնուրույն գտնել հարցերի լուծումները:
2. Գիտելիքը քննադատական մտածողության խթանն է: Քննադատական մտածողությունն օգնում է աշակերտներին ընկալելու ամենաբարդ հասկացություններ և մտապահելու շատ ու շատ տեղեկություններ:
3. Քննադատական մտածողությունն սկսվում է հարցադրումներից: Կարևոր են տարամետ հարցերը, որոնք նպաստում են քննարկումների ծավալմանը և դրանով իսկ նպաստում քննադատական մտածողության հմտությունների զարգացմանը:
4. Միջին դպրոցի սովորողները շատ հետաքրքրասեր են, նրանք ուզում են իմանալ ամեն ինչ: Ուսուցչի խնդիրը աշակերտներին օգնելն է, որպեսզի նրանք կարողանան ինքնուրույն ձևակերպումներ անել, որից հետո միանգամից հարցի պատասխանը չտալ, այլ երեխան ինքը գա դրան: Այսինքն նյութն այնքան պիտի մանրացնել, որ սովորողը, հենվելով իր ունեցած գիտելիքների վրա, կարողանա կատարել եզրահանգումներ ու գտնել լուծումը:
5. Քննադատական մտածողությունն ունի հասարակական ուղղվածություն:

1. 3/ Քննադատական մտածողության ձևավորման փուլերը

Ուսուցիչը, որպեսզի կարողանա զարգացնել երեխաների մոտ քննադատական մտածողություն, նախ պիտի՝

- խմբում աշխատելու կարողություն զարգացնել
- զարգացնել համագործակցելու հմտություններ
- զարգացնել անձնական նախաձեռնություն ցուցաբերելու ունակություններ
- զարգացնել միջառարկայական կապերի ձևավորման կարողություններ
- ձևավորել գիտելիքը ստեղծագործաբար իմաստավորելու, ըստ կարևորության ինֆորմացիան համակարգելու հմտություններ

Սովորող պետք է ունենա նաև ազնվություն, այսինքն չպիտի հուզականորեն կողմնորոշվի որևէ իրավիճակի նկատմամբ: Հակառակ դեպքում նա զբաղվում է ինքնախաբեությամբ: Իհարկե սա բարդ աշխատանք է, քանի որ մենք գործ ունենք միջին դպրոցի աշակերտի հետ /նրանք չեն կարող երևույթին տալ օբյեկտիվ գնահատական, կարճ ասած նա ամեն իրավիճակ սրտին մոտ է ընդունում/:

Աշակերտի քննադատական մտքի ձևավորումը կախված է նրա ընդունակություններից, հետաքրքրություններից, կարևոր են նաև ուսումնական նյութի բովանդակությունը, կիրառվող մանկավարժական տեխնոլոգիաները:

Եկանք այն եզրակացության ,որ յուրաքանչյուր ուսուցչի գերխնդիրն է սովորել սովորեցնելը: Սրա հիմքերը դրվում են կրտսեր դպրոցական տարիքում և իր զարգացումն ապրում միջին դպրոցում:

Ընթերցանությունից հետո ուսուցիչը պիտի օգնի աշակերտին խորհել կարդացածի մասին:

Խորհելիս մենք դիմում ենք հետևյալ բայերի օգնությանը՝ տարբերակել, պարզաբանել, դասակարգել, միավորել, ստեղծել, ենթադրել, գնահատել, առաջարկել, կանխատեսել:

Առաջին փուլում ցուցաբերում ենք գիտելիքահեն մոտեցում, երկրորդում կատարվում է համեմատում, վերլուծում, իսկ վերջին փուլում կայացվում են որոշումներ:

1.4 /Քննադատական մտածողության մեթոդների կիրառումը <<Մայրենի>>, <<Հայոց լեզու>>, <<Գրականություն>> առարկաների դասերին

Քննադատական մտածողությունը զարգացման երեք փուլերից բաղկացած համակարգ է, այն կներկայացնեմ ԽԻԿ հապավումով:

Խթանման փուլի նպատակն է խթանել երեխաների հետաքրքրությունը, առաջացնել ցանկություն նորը ուսումնասիրելու: Կարող ենք կիրառել «Մտազրոհ», «Բանալի եզրույթներ» մեթոդները: Այս փուլում ուսուցիչը հանդես է գալիս ուղղորդողի դերում: Այս փուլում սովորողները լրացնում են իրենց իմացածը մյուսների գիտելիքներով, գիտելիքը դառնում է հաստատուն: Այս փուլի նպատակն է նաև աշակերտին ակտիվացնել: Ակտիվացնելով աշակերտներին՝ նրանց մոտ առաջանում է հետաքրքրություն ուսումնասիրվող նյութի նկատմամբ, որից էլ կախված է այս փուլի արդյունավետությունը:

Իմաստի ընկալման փուլ- Ուսուցչի ազդեցությունը նվազագույնն է սովորողի նկատմամբ: Սովորողները շփման մեջ են մտնում նոր ինֆորմացիայի, մտքերի հետ: Կարելի է կիրառել «Փոխգործուն գրառումներ» մեթոդը տեքստի ընթերցանության ժամանակ: Եթե առաջնորդվենք միայն ավանդական ուսուցման մեթոդներով, աշակերտը քիչ քան կհիշի անցածից: Այս փուլում սովորողները նորը կապում են հինի հետ և ստեղծում նոր իմաստավորում:

Կշռադաստման փուլ- գիտելիքների ամրապնդման փուլն է: Այս փուլի նպատակն է՝

- կազմավորել նոր պատկերացումներ
- ձևավորել անձնական իմաստավորում (սովորողը յուրացրածն արտահայտում է սեփական բառերով)
- մտքերի փոխանակման հարթակ ստեղծել:

Կարելի է կիրառել հետևյալ մեթոդները՝

գույգերով ընթերցում

հնգյակների մեթոդ

5 բուլետանոց շարադրանք

Վեննի դիագրամ

Եզրակացություն- ԽԻԿ համակարգը հնարավորություն է տալիս՝

- ակտիվացնել երեխաների մտածողությունը
- հետաքրքիր քննարկումներ ծավալել
- բարձրացնել ուսման շարժառիթները
- խթանել կշռադատված մտածողությունը
- նպաստել երեխաների ինքնաարտահայտմանը
- ապահովել տեղեկատվության հայտնման մշակումը
- նպաստել քննադատական մտածողության ձևավորմանը:

Աշակերտները նոր գիտելիքները նոր բառապաշարի միջոցով ըմբռնելու, յուրացնելու, իմաստավորելու և կշռադատելու շնորհիվ է, որ սովորում են սովորել և այն վերածել ամբողջ կյանքում շարունակվող գործընթացի:

Գլուխ 2

Փորձարարական մաս

Փորձարարական մասում ներկայացնում եմ դասապլան, որտեղ արտացոլել եմ իմ փորձից մեկ օրինակ: Կներկայացնեմ քննադատական մտածողության զարգացմանը միտված դաս:

Դպրոցն իր պատմության ողջ ընթացքում եղել և մնում է հասարակության կողմից գնահատվող արժեքներից բարձրագույնը:

Սովորողների ուսուցման և դաստիարակության պրոցեսում ամենակարևորը դասի 45 րոպեն է և ուսուցչի կենդանի խոսքը: Ահա թե ինչու այսօրվա ուսուցիչը պետք է զինված լինի ժամանակակից մեթոդների իմացությամբ, իր կազմակերպչական, հաղորդակցական, գիտելիքների համակարգման ու ընդհանրացման կարողություններով, աշակերտների ճանաչողական ու հոգևոր զարգացումը խթանելու կարողությամբ:

Անընդհատ պետք է կատարելագործել հայոց լեզվի և գրականության ուսուցումը: Այս տեսակետից չափազանց կարևորում եմ տարբեր մեթոդներով դասերի վարման պլանների նպատակային կազմումը:

7-րդ դասարանում Պարույր Սևակի կենսագրական տեղեկությունների և ստեղծագործության ընդհանուր պատկերի ուսուցման ընթացքում կարևորել եմ նաև սովորողների քննադատական մտածողության զարգացումը և այն դարձրել եմ դասի նպատակ:

Պարույր Սևակ (3 ժամ)

Դաս 1-ին

Թեման՝ Կենսագրական տեղեկություններ, ստեղծագործության ընդհանուր բնութագիրը

Տևողությունը՝ 45 րոպե

Դասի նպատակները՝

Կիմանա՝

. Պ. Սևակի կենսագրության հիմնական դրվագները:

. Ստեղծագործության ընդհանուր բնութագիրը, ժողովածուների և շարքերի վերնագրերը:

Վերջնարդյունք՝

. Ներկայացնել Սևակի կենսագրության հիմնական դրվագները:

. Սովորողների քննադատական մտածողության զարգացում Սևակի, որպես մարդ - անհատի, քաղաքացու, կյանքի և ստեղծագործությունների օրինակներով:

Ուսումնական մեթոդները՝

«Բանալի բառեր», «Վեր-որոնում», «<Ինդուկտիվ գրույց>», «Հինգ բուպեանոց շարադրանք»

Ուսումնական նյութերը՝

. Դասագիրք, Սևակի ստեղծագործությունների ցանկը (պաստառի վրա), Սևակի գրքերը, իմ հեղինակած Պ Սևակի դիմանկարը՝ պատրաստված վարդի թերթերից, «Պ. Սևակ» հեռուստաֆիլմը, ընտանեկան լուսանկարները:

Դասի ընթացքը՝

Հարցերով ստուգել հին դասը, ամփոփել Սիլվա Կապուտիկյանի կյանքի և ստեղծագործությունների վերաբերյալ ստացած գիտելիքները:

Նոր նյութի հաղորդում

Խթանում

Ինդուկտիվ գրույցի մեթոդով վարել հետևյալ գրույցը՝

Այդ պատանին բացառիկ երեխա էր, մոլի ընթերցասեր: Եթե գիրք էր գտնում, նրան մայրը երկար պիտի փնտրեր, որ գտներ: Նրան գտնում էր իրենց բակի ծառերից մեկի կատարին նստած ընթերցելիս: Հետո նա պիտի Խ. Աբովյանի, Վ. Տերյանի, Ե. Չարենցի նման դառնար գրող, ովքեր կոչվում են առաջատար, նորարար, նոր ճանապարհ բացող, հիմնադիր:

Ու՞մ մասին է խոսքը:

Մինչև կմտածեն, գրատախտակին գրել թեմային առնչվող բառեր ու գաղափարներ՝ (զանգակատուն, եղեռն, Կոմիտաս, ավտովթար և այլն):

Հնարավորություն տալ բոլոր աշակերտներին արտահայտելու իրենց տեսակետը: Ընդհանուր եզրակացության հանգելուց հետո ներկայացնել Պ. Սևակի կենսագրության կարևոր դրվագներ, կարդալ հուշեր Պ. Սևակի մասին:

Իմաստի ընկալում:

Այս փուլում հանձնարարել ինքնուրույն կարդալ դասագրքի համապատասխան նյութը և կարդալիս կատարել նշումներ տետրում կամ մատիտով գրքի վրա այն տեղեկությունների վերաբերյալ, որոնք պետք է խորությամբ ուսումնասիրել:

Պ. Սևակին համակողմանի ներկայացնելու համար՝

- . Ցուցադրել Սևակի ստեղծագործությունների մասին պաստառը:
- . Ներկայացնել տարբեր տարիների հրատարակված գրքերը:
- . Ցուցադրել ընտանեկան լուսանկարներ և ներկայացնել Սևակի ընտանիքը, նրա գերդաստանի ծագումնաբանությունը:
- . Շոնդալից մուտքը հայ գրականություն, Չարենցին հոգևոր հայր ընտրելը՝ զուգահեռներ անցկացնելով Չարենց և Սևակ բանաստեղծների մեջ, անվան հետ կապված պատմությունը:
- . Խոսել «Անլռելի զանգակատուն» պոեմի մասին, գրողի պետական մրցանակի, պարգևատրումների մասին:
- . Խոսել Սևակի ողբերգական վախճանի մասին:

Սովորողներին ծանոթացնել նաև այն հանգամանքին, որ Սևակն ապրել է գաղափարական բռնությունների մեջ և ընդդիմության մեջ էր իշխող վարչակարգի պաշտոնական գաղափարախոսության դեմ: 1969 թվին պետք է լույս տեսներ Սևակի <<Եղիցի լույս>> ժողովածուն, որը կալանքի ենթարկվեց: Արդար ու արդարադատ

բանաստեղծի համարձակ խոսքը բախվեց խորհրդային պաշտոնական գաղափարախոսության պատին: Ժողովածուն գաղափարական գտումների ենթարկվելուց հետո լույս տեսավ միայն գրողի մահից հետո: Երեխաներին առաջարկում եմ դատողություններ անել՝

ա/ Ճի՞շտ էր արդյոք Սևակը, երբ ընդդիմանում էր իշխող վարչակազմին:

բ/ Պատրաստ ես արդյոք ասել ճշմարտությունը, եթե դրա համար հնարավոր է քեզ պատժեն:

Կշռադատում:

Առաջադրել հարց՝ ինչ տեղեկություններ կամ հուշեր գիտեք Պ. Սևակի մասին, որոնց մասին չհիշատակվեց նոր նյութի հաղորդման ընթացքում:

Թեմայի յուրացումից հետո հանձնարարել «Հինգ բուպեանոց շարադրանք»՝ «Ի՞նչ սովորեցինք Սևակի մասին» թեմայով:

Հանձնարարել տանը համացանցում գտնել և դիտել հատված «Պարույր Սևակ» հեռուստատեսային վավերագրական ֆիլմից:

Դասի վերջում երեխաներին հայտնել Սևակի ծննդավայր՝ Զանգակատուն, Էքսկուրսիայի մասին:

Կատարել անդրադարձ:

7-9-րդ դասարաններում սովորողների քննադատական մտածողության զարգացմանը միտված դասեր եմ պլանավորում նաև ներքոհիշյալ դասերի անցկացման ժամանակ՝

9-րդ դասարան – Մ. Խորենացու <<Ողբը>>, <<Սասունցի Դավիթ>> էպոսը

8-րդ դասարան – Մուրացան << Հասարակաց որդեգիրը>>, Շիրվանզադե <<Արտիստը>>, Նար-Դոս << Ես և նա>>, Հեմինգուեյ <<Օերունին և ծովը>>

7-րդ դասարան – Բակունց << Սպիտակ ձին>> և այլն:

Քննարկվող խնդրի լուծման համար շատ լայն հնարավորություն է ընձեռում Շիրվանզադեի «Արտիստը» պատմվածքը: Սովորողների վրա առանձնահատուկ ազդեցություն է թողնում Լևոնի կերպարը: Այդ պատանին երևում է սիրո և արվեստի խանդավառ նվիրումի մեջ և երբ կորցնում է ն' սերը, ն' արվեստի կատարելագործման հեռանկարը, իրականության բիրտ ուժը տապալում է նրան: Վաստակած միջոցների կորուստը, անհեռանկար սիրո մարող հույսը նրան դուրս են մղում այն մեծ աշխարհից: ԵՎ նա կանգնում է ավարտվող կյանքի ողբերգության առջև, որն իրականություն է դառնում նրա ինքնասպանությամբ:

Պատմվածքը բազում հույզեր ու զգացմունքներ է առաջացնում երեխաների մեջ: Լևոնը ազնիվ էր ու արժանապատիվ, տաղանդավոր էր ու տաղանդ գնահատող: Ի՞նչն էր պակասում Լևոնին կյանքում իր տեղը գտնելու համար: Իսկ ինչու՞ են ներկայումս երիտասարդներից ոմանք դիմում ինքնասպանության: Սովորողներին հնարավորություն են տալիս ազատ մտածել, քննադատորեն մոտենալ հարցին և հայտնել բացառապես սեփական կարծիքը:

Տարբեր մեթոդների և հնարների կիրառմամբ հասնում են նրան, որ սովորողը համեմատում և ստեղծում է կապեր սեփական փորձի, իրականության և ստեղծագործության մեջ նկարագրված իրադարձությունների միջև, համեմատում է իրենց և ստեղծագործության մեջ արտահայտված հույզերն ու ապրումները, ձևակերպում, ներկայացնում է, իսկ հետո հիմնավորում, պաշտպանում սեփական կարծիքն ու վերաբերմունքը գրական ստեղծագործություններում արծարծված տարբեր երևույթների, իրադարձությունների նկամամբ:

Սա հենց ուսուցման այն նպատակն է, ինչ նախատեսված է «Գրականություն» առարկայի թեմատիկ պլանավորման մեջ:

Քննադատական մտածողության զարգացման նպատակով «Գրականություն» առարկայի դասերին օգտագործում են հայ դասականների հայրենասիրության թեմաներով գրված ստեղծագործությունները: Դրանցում արտահայտված գաղափարները համեմատում են մեր երկրի ներկա վիճակի հետ: Հնարավորություն են տալիս սովորողներին արահայտելու իրենց կարծիքը հայրենիքի համար զոհվածների, մամուլում և պաշտոնական հաղորդագրություններում

մեջբերվող դավաճանների վերաբերյալ: Այդ թեմաները խորը վերլուծության ենթ ենթարկում Թումանյանի «Թմկաբերդի առումը» պոեմն անցնելիս: Երեխաներից պահանջում եմ բերել չարի և բարու օրինակներ մեր առօրյա կյանքից: Առաջարկում եմ պատասխանել հետևյալ հարցերին՝

Ի՞նչ կանեիր, եթե քո սիրած աղջիկը դավաճաներ հայրենիքին և քեզ:

Ի՞նչ պատիժ կառաջարկես հայրենիքի դավաճանին:

Մի քանի նախադասությամբ գրիր քեզ համար շատ թանկ մարդու մասին այն, ինչ կասեիր նրա աչքերի մեջ նայելով:

Երեխայի մեջ կարևոր է նաև քննադատական մտածողությունն ձևավորել սեփական խոսքի նկատմամբ:

Հեռուստատեսիվներում առկա բառակազմական, քերականական, լեզվաոճական սխալները ժամանակի ընթացքում թափանցել են երեխաների խոսք, նրանք ընտելացել են դրանց:

Հինգերորդ դասարանում երեխաները ոգևորությամբ արտասանում են Ս. Կապուտիկյանի «Խոսք իմ որդուն» և Ն. Ջարյանի «Հայոց լեզու» բանաստեղծությունները:

Կազմակերպում եմ բանավեճ, որը քննադատական մտածողության զարգացման համար ժամանակակից դիդակտիկայի մեջ կիրառվող մեթոդների ցանկում կարևոր տեղ ունի:

Դիսկուսիա՝ լատիներեն՝ discuccid- հետազոտություն, քննարկում: Ուսումնական բանավեճը մտքերի, դրույթների, կարծիքների նպատակամետ և որոշակիորեն կարգավորված փոխանակություն է՝ հանուն ճշմարտության որոնման, ընդ որում՝ բոլոր սովորողներն այդ փոխանակության կազմակերպման մասնակիցներն են:

Բանավեճն ուղղված է սովորողների՝ նոր գիտելիքների ձեռք բերմանը, սեփական կարծիքի ամրապնդմանը, այն պաշտպանելու կարողության զարգացմանը և, ամենակարևորը, սովորողների քննադատական մտածողության զարգացմանը:

Դասարանը բաժանում են երկու խմբի՝ հեռուստատեսային սերիալներ նայողների և չնայողների: Հակիրճ գրույցից հետո երեխաները արտահայտում են իրենց կարծիքները սերիալներում հնչած բառապաշարի, լեզվական սխալների մասին: Դրանով լուծում են վերը նշված երկու խնդիր:

Այս երևույթի պայքարի մեջ ձգտում են վեր հանել քերականական համակարգի ճշմարտությունը և զարգացնել երեխայի քննադատաբար մտածելու ունակությունը:

Չափազանց կարևորում են հայոց լեզվի ուսուցման պրոցեսում դաստիարակչական խնդիրների լուծումը: Հայոց լեզվի ուսումնասիրության թեմաները հաճախակի ընդմիջվում են տարաբնույթ այլ աշխատանքներով, որոնց նպատակն է բազմազանության և հետաքրքրականության, միաժամանակ դաստիարակչական շատ կարևոր հարցի՝ քննադատական մտածողության զարգացման ապահովումը:

Այսպես՝ թելադրում են Գ. Էմինի ստեղծագործության ներքոհիշյալ հատվածը / հավելված 2/ և տալիս են առաջադրանք, օրինակ՝ բոլո՞րն են արդյոք պահում ու պահպանում մեր հնագույն ճարտարապետական կոթողները: Բերել օրինակներ: Քննադատական խոսք ուղղել մեղավորներին :

Հաջորդ դասին ընթերցել են տալիս երեխաների արահայտած սեփական մտքերը ազգապահպան այս կարևոր հարցի վերաբերյալ:

Նմանատիպ թելադրություն են տալիս նաև ըստ Շիրվանզադեի ներքոհիշյալ տեքստը / հավելված 3 /՝ միաժամանակ դնելով երկու նպատակ.

1. Տրված տեքստից ընտրել 1-2 նախադասություն և դրանք ենթարկել շարահյուսական վերլուծության:
2. Հայերի անհատական քաջության և ընկերային ոգու բացակայության թեման արդիականացնել, արտահայտել սեփական կարծիք, անկաշկանդ քննադատաբար արտահայտվել կոնկրետ դասարանի աշակերտների և ներկայումս տեղեկատվական դաշտում տիրող իրավիճակի օրինակներով:

Նյութն այնքան արդիական է, որ մեծ հետաքրքրություն է ներկայացնում երեխաների համար: Նրանք բերում են բազմաթիվ օրինակներ առօրյա կյանքից, համացանցից, կինոֆիլմերից, կարդացած գրքերից:

9-րդ դասարանում գործնական գրություններից դիմումի ուսուցման ժամանակ առաջադրել են սովորողներին գրել դիմում՝ հասցեագրված Երևանի քաղաքապետին՝ ներկայացնել մտահոգությունները Երևան քաղաքի խնդիրների վերաբերյալ և հանդես գալ առաջարկություններով: Ներկայացվում է աշակերտներից մեկի դիմումը /հավելված 4/:

Եզրակացություն

Ուսումնասիրման ժամանակ եկանք այն եզրակացության, որ քննադատական մտածողության համար անհրաժեշտ են գնահատելու, մեկնաբանություն, վերլուծություն, հետևություններ և եզրահանգումներ կատարելու կարողություններ, հմտություններ ու դիտողականություն:

Չնայած այն հանգամանքին, որ ես կարևորում եմ քննադատական մտածողությունն իմ և աշակերտներիս կյանքում, պետք է խոստովանեմ, որ չունեմ համապատասխան մասնագիտական սեմինար-դասընթացների մասնակցության փորձ և ըստ այդմ ցանկալի է նման դասընթացների կազմակերպումը հայոց լեզվի և գրականության ուսուցիչների համար: Վերհանելով քննադատական մտածողության վրա ազդեցություն ունեցող դասավանդման տեխնիկաները՝ կարող ենք բարեփոխել ուսումնական պլանները և առարկայական ծրագրերն այնպես, որ կրթությունը ծառայի մեր հիմնական նպատակներից մեկին՝ կրթել քննադատաբար մտածող անձնավորության:

Աշակերտի քննադատական մտածողությունը զարգացնելու լավագույն մեթոդը կլինի այն, որ մշակվեն ծրագրեր՝ հիմքում ունենալով քննադատական մտածողություն ձևավորելու տեսլականը: Այսինքն, գիտելիքի ձեռքբերմանը զուգահեռ աշակերտները պիտի կարողանան մտածել, տրամաբանել և հիմնավորել: Այս առումով անգնահատելի է ուսուցչի դերը: Մայրենիի, հայոց լեզվի և գրականության դասավանդման ընթացքում կարևորվում է այն հանգամանքը, որ միջին դպրոցի սովորողը մտածի ուսումնասիրվող ստեղծագործությունների բովանդակության ու նշանակության մասին, իսկ սրան ուսուցիչը կարող է հասնել բաց հարցերի կիրառումով: Դրանք մեծացնում են աշակերտների հետաքրքրությունը թեմայի, առարկայի նկատմամբ և կարող են ունենալ մոտիվացնող նշանակություն: Բաց հարցերը դրդում են աշակերտին վերլուծել նյութը, նրա մոտ ձևավորում են փոխանցելի հմտություններ, որոնց շնորհիվ նրանք ցանկացած իրավիճակում կարողանում են հիմնավորված եզրակացություններ անել, լինել շրջահայաց և կայացնել որոշումներ:

Գրականության ցանկ

1. Ն. Տողանյան, Թ. Թովմասյան, Լ. Գրիգորյան << Հայոց լեզու և գրականություն առարկաների թեմատիկ պլանավորում>>
2. Թ. Թովմասյան, Ս. Աբազյան << Մեթոդական ձեռնարկ ուսուցիչների համար, 7-րդ դասարանի գրականություն>>
3. Դ. Գասպարյան, << Գրականություն, ուսուցչի ձեռնարկ 7-9-րդ դասարան >>
4. Ջ. Գյուլնազարյան, << Խոսքի զարգացում>>
5. Ա. Ասլանյան << Հայոց լեզուն 9-րդ դասարանում>>
6. Դ. Գյուրջինյան, Ն. Հեքեքյան, << Հայոց լեզու, գործնական աշխատանքների ձեռնարկ>>

ՊԱՐՈՒՅՐ ՍԵՎԱԿԻ ՍՏԵՂԾԱԳՈՐԾՈՒԹՅՈՒՆՆԵՐԸ

1. << Ան մ ա հ ն ե թ ը հ թ ա մ ա յ ն լ մ ե ն >> 1948թ . I – գ ի թ ք
2. << Ան հ ա շ տ մ տ ե թ մ ո լ թ յ ն լ ն >> պո ե մ / 1953թ . II – գ ի թ ք /
3. << Մի թ ո ճ ան ա պ ս ա թ հ >> III – գ ի թ ք 1954 թ .
4. << Ն ո թ ի ց ք ե զ հ ե տ >> IV – գ ի թ ք 1957 թ .
5. << Ա ն լ ն ե լ ի զ ան գ ա կ ա տ ո լ ն >> 1959թ . V – գ ի թ ք
6. << Մ ա թ դ ը ա փ ի մ ե ջ >> VI – գ ի թ ք 1963 թ .
7. << Ե ղ ի ց ի լ ն լ յ ս >> VII – գ ի թ ք 1969 թ .

Հավելված 2

Շատ և ամեն տեսակ քար կա Հայաստանում, բայց անգրագետ քար համարյա չես գտնի:

Զգույշ քայլիր այս հողի վրա և զգույշ վարվիր ամեն մի քարի հետ, որն արտաքինից կոպիտ է, չեչոտ, չոր մամուռով ու քարաքոսով պատած: Զգույշ, որովհետև եթե եղունգով փոքր – ինչ մամուռը քերես, նրանցից ամեն մեկի վրա նախնադարյան մարդու գծանկարներ կտեսնենս, նշանագրեր, արամեական, խալդ- ուրարտական սեպագիր արձանագրություններ, զարդ ու քանդակ, իսկ չորրորդ դարի վերջից սկսած՝ նաև այն երկաթե պայտերի նմանվող ամուր ու դիմացկուն տառերը, որոնք անբաժան են այս քարերից ավելի քան հազար վեց հարյուր տարի: Ո՛չ միայն գրագետ՝ ստորագրված են այս քարերը, մե՛ր քարերն են:

Նրանցից ամեն մեկի վրա մեր ինքնության դրոշմը կա, ճիշտ այնպես, ինչպես այս հողի վրա մեր ինքնության քարե ծանր կնիքը՝ մեր ճարտարապետական կոթողների տեսքով:

Հայոց հողի ամեն մի էջի վրա, ամեն դաշտում, ձորում, լեռսն ծերպին կամ գագաթին կոթող կա՝ մի քարե վանք, մի խաչքար, մի կամուրջ- քարե մի կնիք առ այն, որ այս հողը մերն է, մեր սեփականը:

Հավելված 3

Րաֆֆին շատ էր սիրում խոսել հայերի անհատական քաջության մասին: Նա ասում էր, որ եթե այդ անհատական քաջությունը ընկերական լիներ, հայերը կարող էին աշխարհի երեսին մի գորեղ ազգ լինել:

— Ամեն մի հայ, առանձին վերցրած առյուծ է, ինչպես և իսելթով ու դատողությամբ՝ հսկա: Բայց ընկերական ոգու բացակայությունը, խմբովին գործելիս, ջլատում է նրա ուժերը: Ձգեցեք մենակ հային վտանգների փոթորկի մեջ, սա արժանավորապես կպաշտպանի իր գլուխը: Բայց խմբեցեք մի քանի հայեր միասին, և նրանք պաշտպանվելու կամ հարձակվելու փոխարեն կսկսեն խորհել, մտածել, հակաճառել և, վերջապես թշնամուն թողած՝ միմյանց միսը ուտել: Այո՛, անհատականությունը հայի գլխավոր թշնամին է, և նա տարածված է մեր բոլոր դասակարգերի ու բոլոր գործերի մեջ: Արդյոք մեր ազգի մտավոր առաջնորդները կկարողանան մի փոքր հիմարացնել անհատ հային և իսելթացնել ընկերային հային: Եթե այդ եղավ, մենք կարող ենք ապագա ունենալ, եթե ոչ՝ մենք կորած ենք, կամ կապրենք այնպիսի ամոթալի կյանքով, ինչպես ապրել ենք մինչև այսօր:

Երևանի քաղաքապետին
Թու մանյ անի անվան դպրոցի
Մշակերտու հու կողմից

Պիսու մ

Երեխայ ի իրավու նքները կարգավորվու մ են <<Երեխայ ի իրավու նքների մասին ՀՀ օրենքով, որի նպատակն է երեխայ ի իրավու նքների իրականացու մը, երեխայ ի օրինական շահերի պաշտպանու թ յ ու նը, ինչ պես նան երեխայ ի բարեկեցու թ յ ու նը, նրասնհատկանու թ յ ան լ իսկատար և բազմակողմանի զարգացմանը միտված բարենպաստ պա մանների ստեղծման համար անհրաժեշտ կազմակերպական հիմքերի ամրագրու մը:

Ել նել ով իմ կողմից կատարված ու սու մնալիրու թ յ ու նների պոյ ու նքներից՝ ես ու գու մ եմ կանգ առնել մի քանի կարևորագու յ ն ինդիկորների վրա որոնց լ ու ծու մը անմիջականորեն Երևանի քաղաքապետարանի իրավատու թ յ ան շրջանակու մ է:

Վերջերս ու ժեղ երկրաշարժը ցնցեց մեր քաղաքայ յը: Մեր քաղաքացիները, պ դ թվու մ նան երեխաները, սարսափած դու ու թափվեցին սներից: Պարոն քաղաքապե՛ տ Ձեր խոսքերով ասած, բարեբախտաբ գոհեր և ավերածու թ յ ու ններ չ ու նեցանք: Հաջվի առնել ով Հա ատանու մ սեյ ամիկ ակտիվու թ յ ու նը և մեծ քանակու թ յ ամբ վթարայ ին շենքերի առկա ու թ յ ու նը իմ կարծիքով շատերեխաներ հաջ սնվել են կյ անքի համար վտանգավոր և անպաշտպան իրավիճակու մ:

Ո՛րն էր քաղաքապետարանի բու ն գործառու յ թը կոնկրետապ ս երկրաշարժի ժամանակ, եթե նկատի ու նենանք, որ կար նու յ նախ ընդհատվել էր, բնակիչ ները մնացել էին բակերու մ երեխաների հետև չ գիտեին ինչ անել : Երբ մու թը վրահասակ, ստիպված երեխաներին տարան սու ն: Իմ կարծիքով բնակչ ու թ յ ու նը չ պեսք է մնաք առանց իրազեկման, առանց տարերայ ին տղեփ վտանգավորու թ յ ան աստիճանի մասին հստակ ինֆորմացիա ի, առանց հոգեբանական աջակցու թ յ ան՝ նկատի ու նենալ ով պ ն հանգամանքը, որ երեխաները սեավոր վախեցած էին և չ էին ու գու մ մտնել շենք: Ես առաջարկու մ եմ համատեղ ծրագրեր մշակել՝ քաղաքապետարանի, Արտակարգ իրավիճակների նախարարու թ յ ան, Առողջապետու թ յ ան նախարարու թ յ ան հետահամատեղ՝ հատկապես երեխաներին ցու յ ց սրվող հոգեբանական հրատապօգնու թ յ ան վերաբերյ պ : Առաջարկու մ եմ նան հստակ ինֆորմացիա տալ բնակիչ ներին իրենց շենքերի վթարայ նու թ յ ան աստիճանի վերաբերյ պ , որաբազի բնակիչ ները հստակ պակերացնեն իրենց երեխաների կյ անքի ապահովու թ յ ան աստիճանը:

Ըստ հոդված 29-ի՝ զինված հակամարտու թ յ ու նների ժամանակ պետու թ յ ու նն ու նրահամապատասխան մարմինները ապահովու մ են երեխայ ի հատու կ պաշտպանու թ յ ու նը:

Ես իմ օրինակով կառես՝ ես ոչ մի ինֆորմացիա չ ու նեմ, թե զինված հակամարտու թ յ ան ժամանակ, եթե հնչ ի սեպանգման շչ ակը, որն է իմ անել իքը, եթե իհարկե դպրոցու մ չ եմ, դեսի ու յ պեսք է վազեմ , որսեղ պատապարվեմ: Գու ցե սակարակարգ իրավիճակների նախարարու թ յ ան գործառու յ թն է, սակայ ն ապատանների պարատանն, կսեավորման, բնակչ ու թ յ անը անվտանգ տարածքով ապահովել ու ինդիորը կարծու մ եմ Երևանի քաղաքապետարանի պետու թ յ ան կողմից պարվիրակված գործառու յ թն է: Այ ս հարցը չ ախազանց ակտու պ է ներկա ու մն սարածաշրջանու մ սիրող ռազմաքաղաքական իրավիճակի, մեր թշնամի պետու թ յ ան կողմից մեր սահմաններու մ ստորիչ գործողու թ յ ու ններ մշտապես իրականացնել ու պարագայ ու մ: Առաջարկու մ եմ, պարոն քաղաքապետ Ձեր հստակ հանձնարարականը թողաբետերին, բնակել ի շենքերի ներքնսեպակերի ու սու մնալիրու թ յ ու ն կատարել ու ն պ ս հարցը հնարավորինս կարգավորել ու համար:

Ուզում եմ խոսել նաև ցանկացած բռնու թյ ու նից երեկայ ի պջտպնու թյ անը միտլսծ սխու թյ սն և նրա հանապատախան մարմինների՝ կոնկրետդեսքու մ՝ քաղաքաախտարանի կողմից իրականացվող գործատույ թների մախն / հողված 9/:

Վերջերս մեզ՝ պատանիներին, ցնցեց Երևանի գեսնանցու մու մ 17-ամյ աներեխայ ին դանակահարել ու վաար: Ի՞նչ վիճակ է մեր քաղաքի շատգեսնանցու մներու մ՝ հակասանիտարական վիճակ, մու թանցու դիներ, որսեդով շատ երեխաներ սսխայլսծ են վաղքով հատել դրանք:

Ի՞նչ սխք է սնի քաղաքաախտարանը: Իմ կարծիքով նորմալ վիճակի բերել ու ց բացի՝ սխք է սեսանկարսեսնող սարքեր սեդադրել, շրջայ ցեր կազմակերաբլ գիշերայ ին ժամերին, ինչ ու չ է նան մշտական հերթաապսնու թյ ու ն ոսսիկանու թյ սն բսթանմու նքների կողմից: Գեսնանցու մից իու սաաիել ով՝ երեխաները հատու մ են վողոցը սրգել վսծ հատլսծով և հաճախակի վրաերթի ենթարկվու մ:

Աեծարգո քաղաքաախտ ստաշարկու մ եմ նան ու ժեդացնել կաար քաղաքաախտարանի աշխատկազմի երեխաների և սոցիալ սկան պաշտպնու թյ սն վարչ ու թյ սն և հանալ նքայ ին ենթակայ ու թյ սն դարոցների միջև, հաճախակո կազմակերաբլ հանդիարու մներ, կլ որ սեդաններ աշակերտների մանակցու թյ աաբ, լ սել երեխաներին, որսաբաղի ալել ի հստակ սրակերացու մ ու նենսք երեխաների իրալու նքների խախտնան հետկաալսծ դեսքերի մաաին:

Շնորհակալ ու թյ ու ն:

Ամիս, աաաթիվ

Դիմող՝

/անու ն, սզգանու ն /

Իմ ձեռքի աշխատանքը

Սևակի դիմանկարը վարդի թերթերով

